



Senin, 31 Januari 2022
Ogen: Heber 12:23



"Reh Ku Perpulungen"



Enggo sada bulan sibentasi tahun si mbaru, enggo sialoken perkuah ate Dibata mentasi sada bulan enda. Rikutken pelayanen gerejannta, sibennai ka me perpulungen Jabu-jabu, PA kategorial, ras dahin-dahin diakonia. I tengah-tengah kesibukennta ndalani wari-warinta, iarapken kita pentar makeken kesempatan e, ratur dahiken dahin rikutken profesinta, la ka ketadingen dahin pelayanen gerejanta.

Reh ku perpulungen, enda tema renungenta wari enda, mpersingeti kita maka perpulungen e sada bagin kegeluhenta. Perpulungen sinimaksudken i jenda e me teman sada kiniteken man Tuhan Jesus. E sada perpulungen si meriah, perpulungen si i je kerina anak-anak Dibata, si gelarna enggo tersurat i Surga. I bas perpulungen e rusur ercakup kerna perbahanen Dibata si mbelin, perkuah ate Dibata si isehkenna man banta teptep wari, bage pe perbahanen anak-aak Dibata saping-saping ia, sikeleng kelengen, si sampat-sampaten, dingan sijar-ajaren. I bas perpulungen e melala pengalamen si banci sinanami kita, lit si meriah, lit ka si erbahan ateta ceda. Tapi i bas si e kerina ibabai kita dewasa ngalaken siugapana pe si man bentasen, janah lit gegeh si banci nampati kita e me gegeh kuasa Kesah Si Badia.

Reh ku perpulungen e tandana reh ku Dibata. Sabap i ja dua telu kalak si pulung i bas gelarKu, Aku enggo i je nina Tuhan Jesus. Reh ku perpulungen e ola ngambe-ngambe, si pesikap pusuh ras ukuta lako ikut muat bagin ndahiken dahin perpulungen. Si buat baginta rikutken talenta si lit i bas kita. Siaturken alu sikap dahin-dahin perpulungen e, rikutken perencanaan-perencanaan si enggo silakoken. Gejaplah maka dahin perpulungen e labo terjeng dahin pertua ras diaken entah pengurus perpulungen ngenca. Kerina kita ertanggungjawab ndahikensa. Gelah kerina ratur, arihken ras bahan jadwal ndahikensa.

Ku buat baginku i bas dahin perpulungen